

Յ. Բուդաղեան (դաշ.). — Պնդում են, պարոնայք պատգամաւորներ, թէ Աղբէջանում խորհրդային իշխանութիւն է: Ինչո՞ւ չէ: Եթէ Լեռվա Քումանովը կարող է Լեռն թումանեան դառնալ, ինչու Համիդ Սուլթանովը չի կարող կոմունիստ դառնալ (ընդհանուր ծիծաղ): Մեզ խորհուրդ են տալիս եղբայրական ձեռք մեկնել Ռուսաստանին, բայց հետաքրքրական է իմանալ, թէ այդ ե՞րբ է, որ մենք թշնամական ձեռք ենք մեկնել այդ նոյն Ռուսաստանին:

Մեր մեղքը չէ նաև այն, որ ունենք մի սրբութիւն սրբոց՝ անկախ Հայաստանի գաղափարը (ծափեր):

Մեզ հետ չխօսեցին օտարները, նրանք լքում են մեզ: Ոչինչ, թող լքեն, մենք ունենք մեր հարազատը՝ տաճկահայ հատաժը, որ արիւնով միացւած մեզ և որի հետ միասին մենք կարող կը լինենք պաշտպանել մեր սրբութիւն սրբոցը (աղմկալի ծափահարութիւն):

Էսէրները խօսում են ժողովրդի ապահովութեան մասին. ապա ի՞նչ է անում կառավարութիւնը, ի՞նչ է անում հայ ժողովրդի հարազատ դաւաճը՝ Հ. Յ. Դաշնակցութիւնը, չէ՞ որ նրանք ապահովութեան գործն են դարձնում իրենց անդուլ աշխատանքներով:

Ասում են նաև թէ հրաժարեցէք իշխանութիւնից, բայց ո՞ւմ տանք երկրի դեկը, ո՞րն է այն ուժը, որ պիտի հոսժկու բազուկներով վարէ մեր նաւը. կա՞յ այդ ուժը, պարոնայք էսէրներ: Հայ դեմոկրատիան վաղուց հանդէս է բերել իր վճռական կոմքն ու յաղթ ուժը, յանձինս Հ. Յ. Դաշնակցութեան, որ այժմ երկրի դեկավարն է ու պիտի մնայ գալիք օրերին ևս (բռնո և աղմկալից ծափեր):

Վ. Նաւասարդեան (դաշ.). — Դիմում եմ ձեզ, պարոնայք պատգամաւորներ, և ձեզ հետ մէկտեղ Հայաստանի բազմահազար քաղաքացիներ, հայրենիքը վտանգի մէջ է: Հէնց այս րոպէին, երբ դուք քննութեան էք առնում Բաղւի նօտաները, թափուած է արիւնը հայ մարդու՝ Ղարաբաղի և Զանգեզուրի բարձունքներում: Չկայ արդէն Բալլուջան՝ զարդը Սալէնի, աւերւել է Շօշուն՝ դոհարը Վարանդայի, սրածւել են պատմական Գիւլիստանի շէն ու գեղեցիկ դիւղերը, չկայ անառիկ և հերթաթային բերդն Սնգրկովկասի իր ողջ հայկական մասով՝ Շուշին, և, վերջապէս, սքանչելի մէկ հատաժը հայ ժողովրդի. նա այսօր գտնւում է թուրք-թաթար եաթաղանի տակ: Ո՞ւր է ձեր կամքը վճռական:

Հօկայական բաղիսումն է արևելքի ու արևմուտքի. այդ բաղիսումն մէջ երկու դերակատարների՝ ռուսական բոլշևիզմի և Թիւրքիայի մասնակցութիւնն ակնյայտ է, ակնյայտ է և այն, որ մեր ճակատի դերակատարը Թիւրքիան է, Թիւրքիան, որ մեր ժողովրդի մի ամբողջ հատաժը դրեց հողի տակ:

Մեզ խոհականութեան և համակերպւելու դասեր են ուղղում տալ՝ կարծելով, թէ այդ մասին մենք ոչինչ չգիտենք: Ո՛չ, այդ գիտենք թէ մենք և թէ մեր ողջ անցեալը: Հայ հասարակական զարգացման պատմութիւնն ընթացել ու դարձել է երեք ուժերի հզօր ազդեցութեան տակ: Այդ ուժերից մէկը համակերպւողների մեծաթիւ բանակն է եղել, որն ըմբոստացման և ընդվզումի սրբազան իրաւունքն այլոց վերապահելով՝ շարունակ իր վիզն է ճկել ու շարունակ սրածւել: Այսպէս է կատարել մեր կեանքում լրտեսների, կաւաւների, դաւաճանների ու կաշառւածների փոքրաթիւ խումբակը, որը անողոք հայածւել, հայածւում է ու պիտի հայածւի մեր միջից: Եւ, վերջապէս, եղել է նաև մի ուրիշ բանակ, որը դարերի դառն փորձերից եկել է այն վերջնական և կուռ համոզման, որ հայ ժողովրդի միակ փրկու-